



## SAOPŠTENJE ZA JAVNOST:

### **Vijeće stranih investitora poziva vlade da usvoje potrebne ekonomske reforme**

Bijela knjiga 2008 obrađuje poslovnu registraciju, reformu poreza, radne i građevinske dozvole

**Sarajevo, 04.12.2008:** Danas je Vijeće stranih investitora (VSI) prezentiralo Bijelu knjigu 2008 pozivajući vlade da usvoje veoma potrebne ekonomske reforme. Bijela knjiga je publikacija koju VSI priprema svake godine i njena svrha je da bh. vlastima pruži program prioriternih reformi, koje bi pomogle u rješavanju ključnih prepreka ulaganjima u Bosnu i Hercegovinu (BiH) i pružile podršku BiH na njenom putu ka Evropskoj uniji.

VSI se prvenstveno bavi poboljšanjem poslovnih, zakonskih i regulatornih pitanja. U Bijeloj knjizi za 2008 godinu obuhvaćene su četiri ključne oblasti: registracija kompanija, dobijanje radne dozvole i privremenog boravka za strane radnike, reforma poreza i dobijanje građevinskih dozvola. Članovi VSI-a su identificirali kratku listu prioriternih reformi koje se realno mogu implementirati u toku sljedećih 12 mjeseci. (Lista u prilogu)

**Tie Sosnowski, Predsjednik VSI-a i Generalni direktor kompanije Triland Development,** navodi da "su određena poboljšanja u poslovnom okruženju postignuta u toku protekle godine, ali druge zemlje u regionu su se daleko ozbiljnije posvetile reformama od BiH". Pored toga, on je rekao "da je jasno kako je globalna ekonomska kriza već počela uticati na BiH ekonomiju. Stvarne posljedice finansijskog previranja koje je zahvatilo svijet na ekonomiju i građane Bosne i Hercegovine tek treba da se utvrde. Stoga je još važnije da svi akteri reagiraju brzo i odlučno i usvoje potrebne reforme da bi kreirali privlačnije poslovno okruženje kako za strane tako i za domaće investitore".

**Alexander Zsolnai, finansijski direktor Raiffeisen banke i član Upravnog odbora VSI-a** dodao je da su "reforme još važnije u sadašnjem trenutku kada svjetska ekonomija ulazi u recesiju. Neophodno je da se svi nivoi vlasti fokusiraju na poboljšanje konkurentnosti BiH ekonomije, posebno imajući u vidu da će se kompanije u BiH suočiti se značajnim smanjenjem svojih ključnih izvoznih tržišta u regionu i Evropskoj uniji".



Foreign  
Investors  
Council

Improving the Business Environment in BiH

Članice VSI-a se nadaju da će potpisivanje Sporazuma o stabilizaciji i pridruživanju BiH sa Evropskom unijom označiti novo poglavlje u istoriji BiH i da će vladini zvaničnici ubrzati reforme da bi se obezbijedila predvidivost i transparentnost u poslovnom okruženju. Članice VSI-a će uložiti maksimalne napore da pomognu BiH u ekonomskom napredovanju.

Uspostavljeno u 2006. godini, kao neprofitno poslovno udruženje, VSI zastupa interese stranih investitora u BiH. VSI nastoji promovisati inicijative koje zastupaju interese kompanija i pružati praktičnu podršku svim investitorima da bi se unaprijedilo poslovno okruženje u zemlji. Do sada je VSI objavio dvije Bijele knjige u kojima je prezentirao prioriteta rješenja za prepreke ulaganjima i ekonomskom razvoju BiH. Trenutno VSI ima 27 članova čija ukupna dosadašnja ulaganja u BiH prelaze vrijednost od 8 milijardi KM.

KRAJ

**Kontakt:**

Ajla Mostarac, Izvršni direktor, Vijeće stranih investitora, Zmaja od Bosne 4/X, Sarajevo, BiH  
Mobilni: +387 61 173 918 Telefon/Fax + 387 33 228 015 Email: [ajla@fic.ba](mailto:ajla@fic.ba)